
BS324A: MOBILIDADE TRANSNACIONAL XUVENIL, GALEUROPA: AXUDAS INDIVIDUAIS Á MOCIDADE

Crédito: 444.895,19€

Solicitudes: Deberán presentarse preferiblemente por vía electrónica a través do formulario normalizado dispoñible na sede electrónica da Xunta de Galicia, <https://sede.xunta.es>.. Opcionalmente, tamén se poderán presentar as solicitudes en soporte papel en calquera dos lugares e rexistros establecidos no artigo 38.4 da lei 30/92, do 26 de novembro, de réxime xurídico das administracións públicas e do procedemento administrativo común, utilizando o formulario normalizado dispoñible na sede electrónica da Xunta de Galicia.

Documentación:

a) Solicitud de modelo oficial que figura no Anexo I-A.

O país de destino que se elixa na solicitude só poderá ser modificado logo de solicitude por escrito motivado, por outro que teña asignadas contías iguais ou inferiores para gastos de viaxe,manutención e aloxamento.

b) Currículo vitae modelo europeo.

c) Copia do DNI/NIE cando o/a solicitante non autorice á Consellería de Traballo e Benestar a consulta dos seus datos no Sistema de Verificación de Datos de Identidade.

d) Acreditación de violencia de xénero: Se é o caso, acreditarase por calquera dos medios recoñecidos no artigo 5 da Lei 11/2007, do 27 de xullo, galega para a prevención e o tratamento integral da violencia de xénero, que son:

1º. Certificación da orde de protección ou da medida cautelar, ou testemuño ou copia autenticada pola secretaria ou polo secretario xudicial da propia orde de protección ou da medida cautelar.

2º. Sentenza de calquera orde xurisdicional que declare que a muller sufriu violencia en calquera das modalidades definidas nesta lei.

3º. Certificación e/ou informe dos servizos sociais e/ou sanitarios da Administración pública autonómica ou local.

4º. Certificación dos servizos de acollida da Administración pública autonómica ou local.

5º. Informe do Ministerio Fiscal que indique a existencia de indicios de violencia.

6º. Informe da Inspección de Traballo e da Seguridade Social.

7º. Calquera outra que se estableza regulamentariamente.

d) De ser o caso, Anexo IV-A, cos datos da empresa/entidade pública ou privada onde se realizarán as prácticas formativas.

Duración das prácticas formativas: 2 meses consecutivos

Criterios de avaliación:

1. A puntuación máxima para as solicitudes individuais será de 9,5 puntos, segundo os seguintes criterios de avaliación:

a) Ter buscada unha empresa/entidade pública ou privada onde realizar prácticas, e acreditado coa Anexo IV-A: 3 puntos.

Cando o anexo IV-A non se presente coa solicitude, debe remitirse ao correo electrónico galeuropain-garantiaxjuvenil@xunta.es e o prazo máximo será o día de realización do test de motivación. Os anexos recibidos con posterioridade non serán computados.

b) Ata un máximo de 2 puntos en función das prácticas formativas similares realizadas en convocatorias anteriores (incluídas convocatorias anteriores de Galeuropa, e bolsas Leonardo da Vinci e/ou Erasmus de prácticas), dando preferencia á persoa que leve máis tempo sen realizar prácticas

- Por realizar algunha práctica no ano anterior á convocatoria_____0 puntos
- Por realizar prácticas no 2º ano anterior (e non no último ano)_____1 punto
- Por realizar prácticas no 3º ano anterior (e non nos 2 últimos anos)_1,5 puntos
- Realizar prácticas hai máis de 3 anos ou non realizalas nunca_____2 puntos.

c) Test escrito de motivación: ata un máximo de 3 puntos. Constará de 30 preguntas tipo test, valoradas en 0,10 puntos cada unha.

d) Obxectivos definidos pola persoa participante na solicitude de mobilidade individual, tendo en conta o seu grado de adecuación á finalidade do programa de mobilidade transnacional xuvenil de ata un máximo de 0,5 puntos.

e) Mulleres vítimas de violencia de xénero ou persoas solicitantes cuxas proxenitoras a sufrisen, sempre que a acreditación das ditas circunstancias fora emitida con anterioridade á data da presentación da solicitude: 1 punto.

2. No suposto de que se produzan empates nas puntuacións de dúas ou máis persoas solicitantes, os criterios de desempate serán os seguintes.

- En primeiro lugar, a puntuación máis alta obtida nos criterios do apartado precedente na mesma orde en que están establecidos.
- En segundo lugar, a maior antigüidade no ficheiro do Sistema Nacional de Garantía Xuvenil no ámbito da Comunidade Autónoma de Galicia.
- En terceiro lugar, a maior idade fronte á menor.
- En cuarto lugar, a igualdade de xénero. Darase preferencia ao xénero que teña menor número de solicitudes.
- Por último, de persistir o empate, terase en conta a orden de entrada da solicitude no rexistro da Consellería de Traballo e Benestar e terán prioridade as solicitudes que se presentaran con anterioridade